

岐山縣志

一函
六冊

岐山縣志序

志者史之一體也劉知幾云史
莫難于志而志地理尤難蓋夫
山峙川流申畫之宣界也高城
深池建置之犬端也任土則壤
貢賦之成規也然而代有沿革

時有治忽由是政事有損益官
師有賢否民俗有淳漓土物有
贏絀苟非証今憲古勒有成書
俾此中利弊因革貫串于中曷
由見諸施行而各得其職矧岐
山為周室開基之地關中數千

天子

餘年歆名文物晉于此肇端倘
因漏就簡任其文獻無微莫之
或顧得非守土者之責歟余奉

天子恩命簡任封圻巡撫茲土七稔
於茲其間望山名水以及故壩
廢井大半經行而於岐山尤不

周

憚致意再三年馬跡車聲經過
其下必恭詣

公祠廟容與瞻拜覺當日辟雍
鐘鼓流風餘韻猶有存焉毋憶
其間必有闕通媿雅之才隸事
搗文暢演鴻製以道揚其休美

國

顧余廣為諮訪惟

朝順治初年縣令王穀所輯一

志僅有存者而義例未諧辭旨

亦多舛陋因諭平令世增留心

甄輯而胡農部文銓為編刻焉

繼而平令以銅務赴滇未藏厥

事爰諭三水郭令履恒來攝邑
篆履恒為南一先生公子南一
所學淵源伊洛為河汾人士宗
師郭令能世其家學甫蒞歧下
即修

文廟以崇聖教創書院以育賢才

余心儀之謂其能以文學被飾
吏治有古循吏風未幾復以平
令未成志事為請許之不一載
以成書來上公餘之暇間肆披
覽為門有八卷之如之其中發
凡起倒參稽案牘斟酌民言舉


凡山川田賦建置官師民風土
物訂舊志之舛譌補新編之缺
佚其用心可謂勤且苦矣于是
歎斯志之得其人而令之勇於
從事尤不可及也嗟乎天下之
事其初常苦於有所待而後

法法因循展轉遂至于不復為
今令于志事尚如此則其于民
生利濟政事紀紀所在苟有可
為又其肯緩哉樂觀厥成毋為
叙其端委且並以勵其後效也
時

賜進

乾隆己亥冬十月下澣

士及第兵部侍郎兼都察院右
副都御史巡撫陝西西安等處
地方贊理軍務兼理糧餉軍功
加七級鎮洋畢沅撰



叙

從來事之興廢存乎人而人之舉事眎乎
時有舉事之志而時有未及為非其人之
責也若時已可為而謂非先務之急曰循
苟且任其廢墜而莫之顧則咎有攸歸矣
履恒自媿才識舁陋夙秉庭訓凡事於
所當為者未敢少有委謝然徃々為時所

阻而不獲為憶自乾隆壬辰歲恭奉

恩命簡發陝西蒙

大中丞畢公

奏補邠州三水令涖任伊始即有意邑中文
猷而以地瘠民貧當務之事隳廢者多其
被飾文具固有志而未皇也歲戊戌岐山
令平君世增以銅務赴滇

中丞以恒承乏其間岐山故周室開基之地
當日菁莪棫樸壽考作人迄今數千年猶
覺聲名文物雲漢為昭士人一行作吏幸
莅斯土安可以法令文具自外於豐鎬之
遺爰於下車之始首捐廉俸飭修

文廟以崇聖教復於邑中建鳳鳴書院進鄉
之俊秀而教之以副德造之選時復以

中丞公丙申入

覲有重脩府志之奏平君增以岐邑志乘自

國朝順治初年以後久未興脩甄錄厥事延
胡農部文銓為之編訂未幾檄委辦理滇
銅其事中輟余惜平君有舉事之志而時
有未及為爰復請於

中丞舉胡農部所屬原稿若干卷為之叅稽

案牘斟酌民言復以蔣君兆甲擅著述才
時為邑學官屬其重加編校冗者汰之紊
者釐之缺者補之譌者訂之余復於鞅掌
之暇詳加研究不一載汗青始竟非敢謂
其盡善也所可幸者余夙有舉事之志而
令三水則有所不及為平君及為之矣而
以公務中止必待余而為之非適際其時

而能如是乎故樂為書之庶以慶余之遭
也至於今之岐猶古之岐也山川不改民
物依然顧何以使其戶慶盈寧家敦禮讓
俾成周之盛復見於今是所望於繼官茲
土者而恒雖不才亦不敢不勉也時

乾隆己亥冬十月上澣邠州三水縣知縣

署岐山縣事加五級軍功加一級隨帶紀